

V C
4637





34^b, 23.

V c
4637

BELLI TRICENNALIS
GERMANICI
SUCCINCTA DESCRIPTIO.

CALENDIS JANUARIJ.
ANNO M. DC. LII.

Restitutæ quondam Pacis

Passavii Seculari

P. P.

à

CHRISTIAN-FRIDERICO Franckenstein

Gymnasia Rectore.



HALLIS SAXONIÆ

Typis Johannis Rappoldti.

S. P.
Amico ~~uo~~ ^{Amicissimo} Dni
Simoni Exemplar
transmittit Lipsiam
W. E. Michelba
plura scriptura



1001

GERMANICA
SOCIETA DESCRIPTO
CHRISTIAN
PAGES



Fragment of text from the reverse side of the page, including letters like 'A', 'B', 'C', 'D', 'E', 'F', 'G', 'H', 'I', 'J', 'K', 'L', 'M', 'N', 'O', 'P', 'Q', 'R', 'S', 'T', 'U', 'V', 'W', 'X', 'Y', 'Z'.





Rimus olim restitutæ pacis annus
hic fuit,

Nunc & exul MARS recedat fini-
bus Germanicis.

*Teutones quiete longâ marci non
amplius*

*Tot bonis erant ferendis, dulce bellum nesciis
Allubescibat, ferendis impigri discordiis
Omnibus locis oberrant. Uniones & Ligas
Insecuturi tumultus certa jam præludia
Fabricari cerneret ab his & istis partibus,
In bonum commune nemo consulit, cuncti sibi
Dum cavent suisq; sensim magna diffidentia
Nascitur felicitis inter Optimates imperi,
Hancq; ceremoniarum, dogmatumq; de fide
Postea modis adauxit mirimis diversitas,
Ut laborem sopiendo sumerent frustra malo,
Primus olim restitutæ pacis annus hic fuit,
Nunc & exul MARS recedat finibus Germanicis,
Prima causa tot malorum Jesuitarum furor,
Et dolus, quo sepe sœveti principum pervertere
Corda, nec non subditorum supplicantum vocibus
Et querelis omnem ad aures transitum præcludere.*

Hoc

Hoc Bobemi suspicantes acrius dum literas,
Imperatoris Rodolfi nempe Majestaticas,
In suis premunt libellis, & ministros sentiunt
Regios suis iniquos non iniquis actibus,
De fenestra celsiore mox agunt in aream.
Jam quietis spes adempta, cuncta turbis fervere,
Cuncta misceri tumultu, nec mali presagia,
Monte contectum Pluretum vel Cometa defuit.
Primus olim restitutæ pacis annus hic fuit
Nunc & exul MARS recedat finibus Germanicis.
Interim jam fata terris Casarem subduxerant,
Patrueli Ferdinando jure qui Bobemici
Cesserat regni, sed illum subditi, quamvis prius
Omnium Consensione proditum, Regem negant
Achabenas Friderico deferunt regni sui.
Hunc vel imperi cupido, vel quod est humanius
Credere, in suam professos pronus affectus fidem,
Implicat tantis periculis. Accipit quod offerunt:
Seu fuit letantis illud, seu mali presaga mens
Inter ipsos gratulantes inscientem perculit,
Ad capeffendam coronam dum petit Pragam, suas
Patrias sedes relinquens lacrymare visus est.
Primus olim restitutæ pacis annus hic fuit,
Nunc & exul MARS recedat finibus Germanicis.
At Palatino novi fit gaudium regni breve,
Verterat vix annus, albo monte cum concurritur,
Et suis ibi fugatis, Rex Silesiam petit,

Mox

Mox Bataviam, retentans per suos, Bobemiæ,
Urbium si qua manebant in data semel fide.
Unione dissoluta cogitur mox & sua
Spinolam contra prementem quâ potest defendere.
Nec benigniore fato cum Moravis Hungari
Arma sumserant, ubique militabat Cæsaris
Partibus fortuna. Dicta poena mortis pluribus,
Qui rei rebellionis. Christianus exulem.
Guelphicus iuvare Regem ceu volebat, non potest.
Primus olim restitutæ pacis annus hic fuit,
Nunc & exul MARS recedat finibus Germanicis.
Pannonæ Bethleniusq; fecerant cum Cæsare
Denuò pacem, reversus Fridericus interim
Tillium ductore pellit in fugam Mansfeldio:
Ast reponit iste cladem Durlacensi & Guelphico,
Unde bella Fridericus rejicit, Bataviam
Reppetens. Ad Florianum prælium cum Corduba
Bruno dux Mansfeldiusq; clade committunt pari.
Tillius Myrtiq; montem cum Manheimio capit.
Bavarus septemviratus dignitatem à Cæsare
Accipit, cum Tillioq; Guelphus infeliciter
Pugnat. Ast Anglus precando quando proficit parum,
Arma sumit, id laborans ut reducatur gener.
Primus olim restitutæ pacis annus hic fuit,
Nunc & exul MARS recedat finibus Germanicis.
Sed Pape tantis Gnathones ebrii successibus
Cæsari suadent, suis ut vel datam contra fidem.

Ortbo

Orthodoxos prædicantes pellat è provinciis.
Anglus inter apparatus bellicum finit, cui
Inclytus per Martis artes fit Comes Mauritius
Belgij Dux. Lusitanis clasfis Angla finibus
Rebus infectis reuersa fracta tempestatibus,
Dania Rex tam frequentes Cæsaris victorias
Vix ferens, ad arma vertit, sed novis Fridlandij,
Tillique exercitatis copiis prosternitur,
Mox & arma pace mutat, & quietem amplectitur.
Singuli sic dum repugnant, universi concidunt.
Primus olim restitutæ pacis annus hic fuit,
Nunc & exul MARS recedat finibus Germanicis.
Interim Vinariensis, Guelphus & Mansfeldius
Mortui, quos Cæsar hostes senserat fortissimos:
Cum sacrorum demtus usus in furorem rusticos
Dat, per Austriamq; raptis conuolant armis, sed hos
Clade non una subegit Pappenheimius Comes.
Tempus haud egebat istis quippe defensoribus.
Jam novos Papistis hostes parturit Borussia,
Quam Suecus impetebat. Namq; VValensteinus
Sedibus pulsos a vitis Mechleburgicos duces
Cogit externam rogare tot malis pressos opem,
Neve non lacefferetur Suecus, hostem ejus iurvat
Cæsar, admitti vetatq;, quos is ablegauerat.
Primus olim restitutæ pacis annus hic fuit,
Nunc & exul Mars recedat finibus Germanicis.
Namque ubi cernunt Poloni Martis aleam sibi

Sapius

*Sæpius iactam licet, non prosperè succedere ;
Arma posthabent quieti, nec Suecus abnegat
Se parans ad ultionem. Cui favorem plurimum
Cæsaris mandata præbent, quæ bonis omnes sacris
Orthodoxos exigebant, vim minata, ni velint.
Quin & exulare iussi, quotquot impiam fidem
Veiovis probare nollent Itali, dicentibus
Fesuitis tempus hoc aut amplius nullum fore,
Quo Lutheranos valerent funditus prosternere.
Scilicet rebus secundis insolescunt pectora,
Et diu compressa tandem prodeunt molimina.
Primus olim restitutæ pacis annus hic fuit.
Nunc & exul MARS recedat finibus Germanicis.
Qui sibi velut vacantes sumserat provincias
Mechleburgicas, vel ipso non volente numine
Stralesundæ se minatur mœnia expugnassere.
Sed tot annorum labore fessa jam felicitas
Deserit diu gavisos, atq; abusos prosperis,
Et retro sublapsa fertur, evidenter id docens,
A superbia ruinam non procul sejungier.
Exhiberi Magdeburgo plurimum negotiū
Curat idem, sicq; sensim funebri discrimini
Anteludit. Sueciæ Rex publico scripto docet,
Teutones quare lacessat, id quod & dictum supra,
Junxit his suosque pressos, occupatum Balticum.
Primus olim restitutæ pacis annus hic fuit.
Nunc & exul MARS recedat finibus Germanicis.*

Sed

Seu mali mox imminentis nuncij præcesserant,
Inferunt aduersa signa, præliantium statum.
Exprimunt cælo sereno qui videntur milites:
Cernitur triplexq; Phœbus, latro sudat sanguinem,
Interim iubet venire Principes, deliberent
Publica quo de Salute Cæsar ad Tiburniam,
Nec sibi deest Suecus, scribit Electoribus,
Ut cavere bella malint, sed sua ex sententiâ
Impetrat responsa nulla. Principes VValsteinium
Dimoveri militari perpulere de statu;
Se coacturum secutos Saxo ait suam fidem,
Iussa Restitutionis nî bonorum mitigent.
Primus olim restitutæ pacis annus hic fuit,
Nunc & exul MARS recedat finibus Germanicis,
Cum nihil posset quieti Suecus aut a Cæsare,
Cæsaris vel à ministris pollicerier sibi,
Arma per tandem suum jus obtinere nititur.
Fortè quâ cum classe luce Rex in insulâ appulit
Baltbici maris, Usedomæ, festa per Germaniam
Orthodoxis, seculo ante traditâ olim Carolo
Cæsari Confessione. Rex ubi terram attigit,
Provolutus in genu ista ut expeditio sibi
Fausta sit, precatur atque plus preces victoriam
Obtinendam promovere quam vel arma differit.
Affuit fortuna cœptis. Namq; Pomeraniæ &
Mechleburgici Ducatus pars recepta maxima est!
Pacis olim restitutæ primus hic annus fuit

Nunc

Nunc & exul MARS recedat finibus Germanicis,
Nec sibi met defuerunt Orthodoxi Lipsiæ
Congregati, sed parandas estimarunt copias,
Si qua vis fiat, bonorum siq; restitutio
Urgeatur. Certiores literis Suecus facit
De sua felicitate, foedus ut secum velint
Jungere, hortatus; sed illud Cæsaris metu abnuunt.
Qui remoto substitutus Tillius Friedlandio
Francofurtum penè justis copiis infederat,
Rex capit tamen, nec ejus castra tentat adgredi
Hostis; ast ad Magdeburgum versus obsessum capit,
Occupatam caedibusq; vastat ac incendiis,
Et stupris, crudelitatis inclytum exemplum suæ.
Primus olim restitutæ pacis annus hic fuit,
Nunc & exul MARS recedat finibus Germanicis,
Italo bello regressi Furstebergio duce,
Quorum in oras appulerunt, foederi ut renuncient
Lipsico, plerasq; cogunt civitates, Principes,
Saxonem, ut desistat ipse atque Brandenburgicum,
Cæsar admonet. Bonorum restitutionibus
Promovendis militares destinantur copie:
Tillius aliud merentis præmium provincias
Saxonis petit, furorem Martium & Vulcanium
Seminans, tandemq; ocellum Misniensem LIPSIAM
Dedier sibi per arma postulatq; ac impetrat.
Hic ubi meritis rependi gratiam banc cernit suis,
Arma jungit cum Sueco, protinusq; hostem petit.

B

Primus

Primus olim restitutæ pacis annus hic fuit.
Nunc & exul MARS recedat finibus Germanicis.
Non dies illuxit æquæ maximi discriminis,
Atq; quo confessionis Orthodoxæ puritas
Atq; libertas a vitæ prælio commissa sunt
Unico. Focos & aras Saxones defendere,
Gloriam Sveci tueri, servitutis ferreum,
Omnibus jugum studebant Tilliani imponere.
Causa justior triumphat pressa iam nimis diu,
Clade Tillius fugatur maxima. Victoriis
Arduum post illa nil est, nam receptis mox suis
In Bohemos Saxo fertur, regiamq; urbem capit,
Per Thuringiam Suecus tendit in Franconiam,
Urbibus brevi potitus omnibus provinciæ.
Primus olim restitutæ pacis annus hic fuit.
Nunc & exul MARS recedat finibus Germanicis.
Non tamen Victoris istis impetus se finibus
Continet, prope Oppenheimum nave Rhenum trajicit.
Arma mox circumferendo perdomat victorica,
Quicquid obvium, atq; cuncta fulminis more ac modo
Dissipat. Trajectus Jster, Dona VVerdam ceperat
Namq; Sed Lycum vetabat Tillius transmittere,
Ausus est illo vidente, qui volens resistere,
Actus in fugam est, & ipse vulneratus concidit.
Inde postquam militari Dux rei Friedlandius
Rursus est præfectus, & per Austriam & Moraviam,
Copias novas coëgit, in Bohemiam irruit,
Saxones proturbat inde, Cæsaris res recreat.

Primus

Primus olim restitutæ pacis annus hic fuit,
Nunc & exul MARS recedat finibus Germanicis.
Suecus interim beatas Bavari provincias
Pervagatus liberandæ, quam premebat altera,
Pars, cucurrit Noribergæ, mox receptis auxiliis
Copiam pugne facit, post castra detrectantium.
Fortiter petit, repulsus hostibus videntibus
Ad capeffendam quietem copias locat suas.
Nec suis deesse rebus visus est Friedlandius.
Vasa conclamare jusfit, inq; Misniam movens
A Visurgi Pappenbeimum, (namq; eò receperat
Se repulsus à Batavis obsidentibus Mose
Ad sitam Trajectum] adesse jusfit, atq; Lipsiâ
Denuo capta Suecis pergit audax obviam.
Primus olim restitutæ pacis annus hic fuit,
Nunc & exul MARS recedat finibus Germanicis.
Famq; eò felicitatis venerat res Suecica,
Ipsè præ sagiret ut Rex non eam semper fore:
Jusfit ast amor fidesq; Saxoni promissam opem,
Ferre. Quamvis esse plures sciret hostium, tamen
Regredi non vult, morasve neçt it ullas, usq; dum
Guelpbicusve subveniret Saxonisve exercitus.
Lutza nunquam parva Regis posteris tacebitur
Maximi obcasum, suo dum præit ipse militi
Fortibus factis, ab icctu plumbeæ glandis cadit.
Sed cadit Victor. Suecis Principis, sed Teutonis
Liberatoris cruentam vindicantibus necem:

Prælium

*Praelium redintegrans & Pappenheimus interit,
Primus olim restitutæ pacis annus hic fuit,
Nunc & exul MARS recedat finibus Germanicis.
Mactæ Princeps non in ipsa morte victæ. Sic Polus
Scanditur. Fides Patronum vera te fatebitur,
Vindicemq; asserta per te prædicabit Misnia,
Ni tui per te datorum gratiam corruperint.
Fridericus Rex Bohemus fata subsecutus est
Sveciæ Regis. Nec illà conciderunt pectora,
Morte Svecorum tribunis. Nam Treboccos Hornius
Subjugat, Birckfeldiensis Bavaros vexat malè,
Ulbias munitiones disjicit Baudisius,
Saxo Bernhardus receptis Misniæ multis locis
Rursus in Franconiam se vertit; & Germanicis
Galliæ Rex mixtus actis vult tueri Trevirum.
Primus olim restitutæ pacis annus hic fuit
Nunc & exul MARS recedat finibus Germanicis.
Post necem Regis relictae filiae Sveci suam
Obligant fidelitatem, sanguinisq; Regij
Ultionem sancientes bella prosequi volunt.
Arctius pleriq; fœdus Lutherani principes
Contrahunt Sveciq; Saxo* tentat Ingolstadtium ^{*}Bernbo.
Irrito conatu; At idem post Ratisbonam capit. ^{Vinars.}
Ad Visurgim Guelphicus Dux conjicit Merodium
In fugam, parvoq; damno plurimos interficit.
In Silesiâ per artes extrahit VValsteinius
Tempus, illuditq; multum credulis, tum per scelus
Regius*

*Regius Princeps Danorum glande plumbea cadit.
Holcius Lipsin quidem, sed Holckium mors occupat.
Primus olim restituta pacis annus hic fuit,
Nunc & exul MARS recedat finibus Germanicis.
Plurimo fortuna lusu mutat interim vices.
Quippe quem locum in præaltum vexerat Friedlan-
dium,*

*Dejicit, letho cruento finientem. Traxit hæc
Illius ruina plures. Saxo Lauenburgicus
Incidit captivitatem. Miles inde Saxonis
Ad Lignizium cecidit militantes Casari.
Sed Ratisbona recepta Panno Rex feliciter
Cum Suecis Norelinga pugnata, ac eos gravi
Clade profligat, receptis pluribus victoriam.
Propter hanc locis; per urbes interim Germanicas
Sæviunt pestis famesque, Res Suecas non bono
Fam sitas loco fovendo Gallus haud parum juvat.
Primus olim restituta pacis annus hic fuit,
Nunc & exul MARS recedat finibus Germanicis.
Deditur fame subacta, cum repugnasset diu
Casari urbs Augusta. Rebus Pax Pragensis afferat
Ut medelam plurimorum vota sperant irrita.
Namq; Gallus iam palam se Svedico bello implicat,
Cedit Hispanos. Sueci non probantes pacta se
Saxoni opponunt, sequentem reprimunt, provinciam
Turpiter vastant, repulsi denuo ad VVitstockium,
Saxones pellunt, & urbem Lipsiam frustra obsident,
Hi*

Hinc recedentes in ipsam Pomeraniam, tamen
Rursus emergunt, ab ipsa clade maiores. Obit
Cæsar & succedit illi filius. Perdit favor
Gallicus res Trevirensis. Namq; Iber eum capit.
Primus olim restitutæ pacis annus hic fuit,
Nunc & exul MARS recedat finibus Germanicis.
Saxonis Vinariensis copiæ feliciter
Post priorem egere cladem. Namq; junctæ Gallicis
Haud semel par reddiderunt hostibus. Reinfeldiam
Obsidebant, Liberandæ curam agentes sic fugant,
Ut duces omnes supremos in potestatem suam
Cernerent tandem redactos. Deniq; & Brisacium
Per famem coactus illis dedit rector loci.
Sed Palatinis eundem, tamq; amicum ostendere,
Noluit fortuna vultum, V Vestphalas qui figere
Bellicam sedem per oras dum volunt, Hatzfeldius
Disjicit, quascunq; fratres copias collegerant,
Ex quibus captus Robertus Cæsari transmittitur.
Primus olim restitutæ pacis annus hic fuit,
Nunc & exul MARS recedat finibus Germanicis.
Fata Bernhardi inuidebant magnitudini, nece
Raptus inde Dux acerbâ est post Suecum maximus:
Et Banero fors favere visa sit licet, tamen
Misnicos post & Bohemos tribulationibus
Plurimis pres, sos celebris duplici victoriâ,
Principes quin congregatos, Cæsarem & Tiburniæ
Ausus obsidere ferme, clade rejectus retro

Finiit

*Finiit, successor illi Torstesonius datus,
Obsidetur acriter sed irritè Guelpberbytum,
Atq; agro in Coloniensi ceditur per Hassicos
Gallicosq; quin & ipse in potestatum venit
Hostium Lamboius, illi plura occupant loca.
Primus olim restitutæ pacis annus hic fuit.
Nunc & exul MARS recedat finibus Germanicis.
Torstesonius relictis Misniam bybernis petit,
Inde Saxones, Lusatos permeans Silesiam
Fortis irrumpit, coronâ mox Glogoviam capit,
Laveburgicus fugatur, captus exq; vulnere
Interit, Victor Moravos impetens Olmucium
Vicapit, regressus inde Lipsiam circumsidet,
Et repulsus, quod tulisset Archidux opem citam,
(Iste enim fratris regebat tempore hoc exercitum)
Hunc in ipsum vertit iram, dum legit vestigia
Hostis, ipse quem putabat jam fugam capessere,
Vincitur, rursus in celebri clade Tillii loco.
Lipsis occupata Svecis præmium est victoriæ.
Primus olim restitutæ pacis hic annus fuit.
Nunc & exul MARS recedat finibus Germanicis!!
Copias Vinarienses Gallicæ suppleverant
Quas regebat Angviensis, obsident Rotuveiliam,
Vulneratus Gvebrianus victor in capto loco
Vitâ abit, secure agentes Bavari ad Dutlingiam
Impetunt, sternuntq; captis omnibus fermè. Interim
Firmat ante capta rursus per Silesiam loca*

Et

Finiit

Et Moraviam Suëcus, ceditur Cracovius
Pomeraniam premens, mox Daniam Sveci petunt
Marte non denunciato, quam suo tractant modo,
Cuncta prædandi sciente pervolantes milite.
Sic mari terraq; fervent bella, Brandeburgicâ
Donec & curâ Batawâ reddita est pax Danicâ.
Primus olim restitutæ pacis annus hic fuit.
Nunc & exul MARS recedat finibus Germanicis!
Hic per æstatem tumultus dum flagrat, Moravie
Cæsar & Silesiorum multa de nova loca,
Subjicit sibi, repellit usq; dum Gallasium
Torstesohnius, pedestrem proterens exercitum
Illius, tandem is coactus fugit in Bohemiam.
Nec quietem egere Galli. Bavari Brisgovie
Ceperant urbem Friburgum, & castra ibi locaverant:
Hæc ferociter petentes ter repelluntur gravi
Strage, sed fames abire Bavaros cogit: Proin
Gallici Philippi burgum, pluraque ad Rhenum loca
Occupant. Captivitate solvitur Trevir, dies
Quod foret paci parandæ dictus, & certus locus.
Primus olim restitutæ pacis annus hic fuit,
Nunc & exul MARS recedat finibus Germanicis,
Nec tamen bellum sedebat. Cæsar in Bohemiam
Contulit se, rebus ut sit bellicis propinquior;
Nec minus petunt eandem Svecici, concurrunt
Viribusq; animisq; magnis. Vicus est Janckovia,
Nobilis factus per illud prælium, quo concidit

Cæsar

Cæsaris res, & Suecus victor in Moraviam
Tendit, adventusq; fama liberans Olmucium.
Occupat complura, Brinna sistit ejus impetum.
Bavari Gallos fugarant, Mercio ductore, sed
Hic regressis & priora damna vindicantibus
Occidit, non incruenta Gallicis victoriâ.
Abdicat murus supremi Torstesobnius ducis.
Primus olim restitutæ pacis annus hic fuit,
Nunc & exul MARS recedat finibus Germanicis!
Mox datur successor illi Carolus VVrangelius,
VWestphalos qui, post fatigat Francones, Istrum dein.
Transit, & petit Suevos, hinc Brigantium ad lacum.
Ducit, irritum laborem sumit ad Lindaviam,
Et regressus in Bobemos occupata Egrâ, dolens
Quod suis renunciasset Bavarus pactis, movet
In Palatinum solum, mox denuo Istrum trajicit,
Et Melandrum cedit, atque vulnerat lethaliter:
Sic Lycum, sic Isaramque transiens potitus est
Bavari soli, quod ejus est cis Oenum. Principem
Hasie Lamboius Ernstum cedit & capit, sed hoc
Vindicant Catti, cruenta denuo victoria.
Primus olim restitutæ pacis annus hic fuit,
Nunc & exul MARS recedat finibus Germanicis!
Sed mali finem supremum Praga Conigsmarckio
Capta, que lateris minoris obtinet nomen, tulit.
Namque eam, que separatur fluminis Moltavie
Atveo, conjuncta ponte cum minore, dum putat

C

Obti-

*Oblinere VViltebergi copiis junctis, licet
 Et Palatinus, supremus Imperator bellicus
 Adveniret, deniq; omnis irritus fuit labor,
 Et tot annis expetita Pax Osenburgi fuit
 Constituta. Pax malorum pharmacum, pax unica
 Plurimis potior triumphis. Ut libens te Teutonum
 Post tot intervalla tellus vidit! Ab nobis Deus
 Hanc benigne propriam da, filium propter tuum!
 Sic fuit qui primus olim pacis annus, ultimum
 Non habebit, semper exul MARS erit Germaniâ.*



WILHELMUS ERNESTUS WILHELMUS
 Redberensis Saxo, Heroico carmine Herodis infanti-
 cidium describet.

JOHANNES WILHELMUS BONA Werni-
 geroda Cheruscus in Herodem invehetur.

MARTINUS WEISSE Berolinensis parentes con-
 solabitur.

ADAMUS VICTOR à BARSEN Nobil. Mega-
 polit. interfectis parentabit.

JOHANNES PETERSEN Braunsbütteliâ Hoffatus
 Herodem excusabit.

ADAMO VICTORI à BARSEN Nob. Megap.

Non vincit nisi qui rectè pugnaverit; hostis
 Victorem demum pulcra corona manet.
 Tu facito ut rectè pugnes. Victoria curam
 Semper amat. Facilis quippe pudenda venit.

LUXUS

luxus, & improbitas, & deses inertia vestre
Ætati cunctis est metuenda modis.
ARSEN noster amor, fugito hæc, ut vincere possis,
Et victor volites docta per ora virum.
sic Pater amplexu redeuntis gaudeat, & sic
Te natum dicant esse bono patriæ!

VILHELMO ERNESTO Michelbach / Redb. Sax.

Cum fuso fluerent infantum sanguine rivi,
Sevities, ais, ista mihi haut indicta manebit;
Et rivo ingenii deducis divite carmen,
Quod tibi faurices Latias probet esse Camœnas,
Gratia porrò Dei rivo benedicat, ut inde
Commoda mille fluant aliis, & mille parenti
Gaudia, & ipse bonis circumfluus undiq; perstes!

JOHANNI VILHELMO BONA Wernig, Cherusco.

Æmula te stimulat virtus, exempla que fratris,
Et nostro similem vis in amore locum.
Hoc mihi certamen placuit, semperque placebit,
Si dubitem, melior, carior & sit uter.
Sic Ego, sic vester Pater inter utrumque triumphet!
Sic bonitas Jovæ non inhonora fiet!

MARTINO VVEISSEN Berolinenst.

Sipotis es nigrum vitio præfigere theta,
Candorem cunctis, nomine reque probas.
Martius hic animus fortisq; requiritur, illi
Ne vis nequitie prevaluisse queat.

Ne

227c 4627

Ne Niger ergo velū vit' is evadere, rebus
Consentire suis nomina si volupe est.
Candida sic virtus fama tibi candida pandat
Templa, tuo ut similis sis aliquando Patri.

JOHANNI PETERSEN Braunsbutt. Holsato.

Morum simplicitas, pietas, industria, laudem
Si parant, istam paratam credito tibi fore.
Cur igitur saxum regem defendis? ut isto
Ingeni prompti videndam vim dares conamine?
Sic est. Hinc ubi recta scies & prava priora
Eliges solūm, & cavebis quicquid improbum & malum;
At Deus in tete quondam sua dona coronet!
Faxit & felicitatis sis ut omnis particeps!

properante manu adjeci

CHRISTIAN-FRIEDERICU
Francenstein.

F I N I S.



ne





346, 23.

G

R

C

V c
4637



NALIS
NICI
RIPTIO.

II.
m Pacis

Frankenstein



S. P.
Amico Ampissimo
Simoni Exemplar
transmittit Lipsiam
W. E. Michelha
phira scriptura

